

Ku dhaqan Xafiis D.

FAAFINTA

الرسمية

OFFICIAL



RASMIGA AH

الجريدة

BULLETIN

EE JAMHUURIYADDA SOOMAALIYA

Sanadka 8aad

FAAFIN SANADLE

Muqdisho

2020

Waaxda Maamulka Faafinta Rasmiga ah
Ee Xafiiska Garyaqaanka Guud ee Dawladda

Uruurinta Sharciyada iyo Wareegtooyinta ee Jan-December 2020

Qiimaha waa \$XXX Dollar, lambar waliba – **RUKUNKA:** Sanaddii waa \$XXX Dollar, Soomaaliya gudaheeda – Dibaddeedana waa \$XXX Dollar. Rukunka la weydiisto waqtiga loo gooyay wuxuu ka bilaabmaa 1 Janaayo. Qiimaha Qoritaanku F.R halkii sadar iyo wixii ka yar waa \$XXX Dollar – Rukunka iyo Qoritaanku waxaa la weydiistaa Laanta Maamulka Faafinta Rasmiga ah – Lacagta waxaa lagu bixiniyaa Xafiiska Canshuuraha ee Wasaaradda Maaliyadda.

KOBNIIN

BOGGA KOOWAAD

SHARCI

W.M

BOGGA LABAAD

XEER

BOGGA SEDDEXAAD

TALOOYIN, ISGAARSIIN, OGAYSIIS, IWM

SANADKA

2020

Ku dhaqanXafiis D.

FAAFINTARASMIGA AH



EE JAMHUURIYADDA SOOMAALIYA

Sanadka 8aad

Muqdisho,

10 December 2020

Lr.3

Waaxda Maamulka Faafinta Rasmiga ah
Ee Xafiiska Garyaqaanka Guud ee Dawladda

FAAFIN BIL SOO BAXA

Qiimaha waa \$XXX Dollar, lambar waliba – **RUKUNKA**: Sanaddii waa \$XXX Dollar, Soomaaliya gudaheeda – Dibaddeedana waa \$XXX Dollar.

Rukunka la weydiisto waqtiga loo gooyay wuxuu ka bilaabmaa 1 Janaayo. Qiimaha Qoritaanku F.R halkii sadar iyo wixii ka yar waa \$XXX Dollar – Rukunka iyo Qoritaanku waxaa la weydiistaa Laanta Maamulka Faafinta Rasmiga ah – Lacagta waxaa lagu bixiniyaa Xafiiska Canshuuraha ee Wasaaradda Maaliyadda.

KOBNIIN

BOGGA KOOWAAD

SHARCI

W.M

BOGGA LABAAD

XEER

BOGGA SEDDEXAAD

TALOOPYIN, ISGAARSIIN, OGAYSIIS, IWM

BILAHA

August – November

2020

**ANSIXINTA SHARCIGA HESHIISKA SIYAASADEED EE JIHAYNTA
DOORASHADA BAARLAMAANKA FEDERAALKA EE 2020/21**

MADAXWAYNAHA J.F.S

MARKUU ARKAY: Qodobka 87aad, Faqradda 1aad iyo Faqradda
2aad ee Dastuurka KMG

MARKUU ARKAY: Qodob ka 90aad, Xarafka “F” ee Dastuurka
KMG

MARKUU ARKAY: Warqadda Guddoomiyaha Golaha Shacabka
GSH/302/1/B-10/20 Taariikh: 26/09/2020 kuna saabsan
ansixinta Sharciga Heshiiska Siyaasadeed ee Jihaynta
Doorashada Baarlamaanka Federaalka ee 2020/21

MARKUU TIXGELIYAY: Baahida loo qabo in la ansixiyo lana meel-
mariyo Sharcigan

Waxa Madaxweynuhu soo saaray Sharcigan:


Qodobka 1aad

Laga bilaabo marka uu Madaxweynuhu saxiixo Sharcigan, waxa si
rasmi ah loo oggolaaday Sharciga Heshiiska Siyaasadeed ee
Jihaynta Doorashada Baarlamaanka Federaalka ee 2020/21


Qodobka 2aad

Marka uu Madaxweynaha JFS saxiixo Sharcigan, waxaa lagu soo
daabici doonaa Faafinta Rasmiga ah ee Jamhuuriyadda Federaalka
Soomaaliyeed.

MUQDISHO: 11/10/2020



Madaxweynaha J.F.S
Maxamed Cabdullaahi Maxamed (Farmaajo)



JAMHUURIYADDA FEDERAALKA SOOMAALIYA

**SHARCIGA DOORASHADA 2020-2021
EE BAARLAMAANKA 11-AAD**

CINWAANNDA

QODOBKA 1-AAD:

Dib U Dhigista Doorashada Tooska Ah.....

QODOBKA 2-AAD:

Sharciyeynta Heshiiska Siyaasadeed Ee Doorashada.....

QODOBKA 3-AAD:

Xilhaynta hay'adaha dastuuriga ah ee dawladda.....

QODOBKA 4-AAD:

Dhaqan galka sharciga.....

Sharciga Jiheynta Doorashooyinka 2020-2021:

Lr_____ ee / /2020

BAARLAMAANKA FEDERAALKA SOOMAALIYA

MARKUU ARKAY: Qodobka 64 (1) ee Dastuurka Federaalka oo xeeriyey in “Xubnaha Golaha Shacabka waxaa si toos ah, qarsoodi ah, oo madaxbannaan kusoo dooranaya shacabka Jamhuuriyadda Federaalka ee Somaaliya” iyo Qodobka 72 (1) ee Dastuurka Federaalka oo xeeriyey in “Xubnaha Aqalka Sare ee Baarlamaanka Federaalka ay si toos ah, qarsoodi ah oo madaxbannaan usoo dooranayo shacabka Dawladaha xubnaha ka ah Dowladda Federaalka”;

MARKUU DHEGEYSTAY: Warbixinta Guddiga Madaxabannaan ee Doorashooyinka Qaranka ee ku saabsanayd doorashada tooska ah, qarsoodi ah, oo madaxbannaan ee 2020-2021 uu ka jeediyey Golaha Shacabka Kalfadhigiisa 7-aad Kulankiisa 10-aad ee 27^{kii} Juun 2020;

MARKUU DHAGEYSTAY: Hadaljeedinta Madaxweynaha Jamhuuriyadda Federaalka Soomaaliya oo ka horjeediyay Golaha Shacabka kala fadhiga 7aad Kulankiisa 2aad Gaarkan ah ee 15kii Agoosto 2020 kuna ballan qaaday in Heshiisyada Jiheynta Siyaasadda Doorashooyinka 2020-2021 lagu gaaro Golaha Wadatahashiga Qaranka ansixin loo horkeeni doono kulanka guud ee Labada Aqal ee Baarlamaanka Federaalka Soomaaliya;

MARKUU ARKAY: Warqadda Madaxweynaha Jamhuuriyadda Federaalka Soomaaliya Lr.

JFS/XM/001/LA/9/20 ee 24.09.2020 kuna saabsan codsi sharciyenta Heshiis Siyaasadeedka ay wadajirka u gaareen xubnaha Golaha Wadatashiga Qaranka;

MARKUU KA BAARAANDEGAY: Heshiiska Siyaasadeed iyo talooyinka halkaan ku lifaaqan, oo ay wada gaareen Xubnaha Golaha Wadatashiga Qaranka, oo uu hoggaaminaayay Madaxweynaha JFS, kuna saabsan jiheynta Siyaasadda Doorashooyinka ay ku imaanayaan Xubnaha labada Aqal ee Baarlamaanka Federaalka 11-aad ee Soomaaliya;

MARKUU ARKAY: In ay lagama maarmaan tahay in dhammaadka muddada xilhaynta Baarlamaanka 10-aad ka hor la isla meel dhigo tabta ugu haboon oo lagu keeni karo xubnaha Labada Aqal ee Baarlamaanka 11-aad ee Soomaaliya;

MARKUU GARWAAQSADAY: Daruufaha oo Dalka hadda ku suganyahay aysan suurtoogelinayn Qabashada Doorasho toos ah oo ku dhacda waqtigeeda; ayna suurtagal tahay in xubnaha Baarlamaanka 11-aad Doorashooyinkoodu ku yimaado dib u dhac keeni kara firaq saameeya sharciyada jiritaanka Hay'adaha Dastuuriga ee Dawladda Federaalka Soomaaliya;

MARKUU ARKAY: Sharciga wax-ka-beddelidda Dastuurka Federaalka Lr. 20 ee 27.06.2016;

MARKUU ARKAY: Sharciga Doorashooyinka Qaranka ee Heer Federaal Lr. 23 ee 20.02.2020;

MARKUU ARKAY: Qodobka 69 (1) (a) iyo (b) ee Dastuurka Federaalka Soomaaliya oo xeeriyey Awoodaha Golaha Shacabka iyo Qodobka 71 (b) ee Dastuurka Federaalka oo xeeriyey awoodaha sharcidajinta Aqalka Sare;

Baarlamaanka Federaalka Soomaaliya kala fadhigiisa 7aad kulankiisa 6-aad wadajirka ah oo lagu qabtay Xarunta Golaha Shacabka 26.09.2020, oo ay goobjoog yihiin 215 Xubnood kamid ah Golaha Shacabka iyo 40 xubnood ka mid ah Aqalka Sare oo codeynaya wuxuu ansaxiyey Sharcigan:

Qodobka 1-aad:

Dib u dhigista Doorashada Tooska ah

1. Ayadoo aan waxba loo dhimaynin Qodobbada 64 (1) iyo 72 (1) Dastuurka Federaalka Soomaaliya, ayaa sharcigan dib loogu dhigay qabashada Doorashooyinka tooska ah ee Labada Aqal ee Baarlamaanka 11-aad 2020-2021 iyo dhaqangalka Sharciga Doorashooyinka Qaranka ee Heer Federaal Lr. 23 ee 20.02.2020.
2. Xubnaha Labada Aqal ee Baarlamaanka 11-aad ee Jamhuuriyadda Federaalka Soomaaliya waxaa lagu soo dooranayaa nidaamka Doorashada Dadban.

Qodobka 2-aad:

Sharciyeynta Heshiiska Siyaasadeed ee Doorashada

1. Qodobkan waxaa lagu sharciyeyey Heshiiska siyaasadeed ee Golaha Wadatashiga Qaranka ku taariikhaysan 17.09.2020, oo lagu jiheeyey qaabka Doorashada 2020-21 ay ku

imanayaan Baarlamaanka 11-aad ee Soomaaliya.

2. Qodobka 4-aad ee Heshiis-siyaasadeed ku xusan farqadda 1-aad ee qodobkan, ayadoo aan nuxurkeeda wax loo dhimeyn waxaa loo xeeriyey loona siiqeeyey sidan: "In Xulista Ergada ay iska kaashadaan Odayaasha Dhaganka iyo Bulshada Rayadka ee Beesha kursiga iska leh, Dawladdo-Goboleedyadane ay yeeshaan diiwaangelinta Eragada."
3. Heshiiska siyaasadced ee halkan ku lifaagan kuna xusan faqradda 1-aad ee Qodobkan waa qayb ka mid ah nuxurka sharcigan oo aan ka go'i karin.

Qodobka 3-aad:

Xilhaynta Hay'adaha Dastuuriga ah ee Dawladda

1. Si aysan u dhicin firaq ku yimaada sharciyadda jiritaanka Hay'adaha Dastuuriga ah ee Dawladda Federaalka; Baarlamaanka 10-aad awoodihiisa Dastuuriga ah u dhamaystirantahay ayaa xilkiisa sii haynaya ilaa iyo maalinta la dhaariyo xildhibaannada loo Soo doortay Baarlamaanka cusub ee 11-aad ee Soomaaliya si waafaqsan Qodobka 60-aad ee Dastuurka Federaalka iyo wax-ka-beddelka lagu sameeyey Sharciga Lr. 20 ee 27.06.2016.
2. Hay'adaha kale ee Dastuuriga ah ee Dawladda Federaalka ayaa xilalkooda sii haynaya ilaa iyo inta laga dhiso hay'ad walba Hay'addii beddeli lahayd.


Qodobka 4-aad: Dhaqangalka Sharciga

Sharcigan wuxuu dhaqangal noqonayaa ka dib markuu Baarlamaanka Federaalku ansixiyo, Madaxweynaha JFS Xeer Madaxweyne ku meelmariyo, laguna soo saaro Faafinta Rasmiga ah ee Jamhuuriyadda Federaalka ee Soomaaliya si waafaqsan Qodobka 84-aad iyo Qodobka 85-aad ee Dastuurka Federaalka Soomaaliya.

**M.ne Maxamed Mursal Sh. Cabdiraxmaan
Guddoomiyaha Golaha Shacabka**

**M.ne Cabdi Xaashi Cabdullaahi
Guddoomiyaha Aqalka Sare**

Muqdisho 26^{ka} Sebteembar 2020



**Shirka Wadatashiga Doorashooyinka iyo Dhammeystirka
Heshiisyadii
Samareeb 1-3
Muqdisho Sebteembar 17, 2020**

WAR-MURTIYEED

Shir ay yeesheen Madaxda Dowlada Federaalka ah iyo Dowladaha Xubnaha ka ah oo uu shir guddoominayey Madaxweynaha Jamhuuriyadda Federaalka Soomaaliya Mudane Maxamed Cabdullaahi Farmaajo, ayna ka qayb-galeen Kusimaha Raysul Wasaaraha Mudane Mahdi Maxamed Guuleed, Madaxweynaha Dowlada Puntland Mudane Saciid Cabdullaahi Deni, Madaxweynaha Jubbaland Mudane Axmed Maxamed Islaam, Madaxweynaha Koonfur Galbeed Mudane Cabdicasiis Xasan Maxamed, Madaxweynaha Galmudug Mudane Axmed Cabdi Kaariye, Madaxweynaha Hirshabelle Mudane Maxamed Cabdi Waare iyo Guddoomiyaha Gobolka Banaadir ahna Duqa Muqdisho Mudane Cumar Maxamuud Maxamed. Shirkaas wuxuu ka dhacay magaalada Muqdisho intii u dhaxaysay 13-17 Sebteembar 2020.

Shirkan waxa uu dabsocday Kulamo isdaba joog ahaa oo kasoo bilowday Samareeb 1 oo ay isugu yimaadeen Madaxweynayaasha Dowladaha Xubnaha ka ah Dowlada Federaalka ah ee Puntland, Jubbaland, Galmudug, Hirshabelle iyo Koonfur Galbeed, oo uu ka dhashay Samareeb 2 oo ay wadatashi ku yeesheen Madaxda Dowlada Federaalka ah iyo Madaxda

Dowladaha Xubnaha ka ah Dowlada Federaalka ah iyo Gobolka Banaadir oo la xiriiray sidii dalka doorasho waqligeeda ku qabsoonta ay uga dhici lahayd. Waxaa xusid mudan in shirkan Muqdisho uu dhammeytir u yahay heshiiskii Samareeb 3.

Shir-madaxeedkan inta uu socday waxaa la isla gorfeeyay xaaladaha siyaasadeed, amni iyo bulsho ee ku hareeraysan qabsoomidda doorashada Barlamaanka Federaalka ah iyo tan Madaxweynaha, taas oo ku dhacda waqtigeeda si waafaqsan heshiisyadii Samareeb.

Haddaba iyadoo taas laga ambaqaadayo, waxay Madaxdu ku dul shaqeeyeen heshiiskii kasoo baxay Samareeb 3 Falanqeyn dheer keddib, iyaga oo dhawraya midnimada dalka iyo wadajirkiisa, tixgelinayana xaaladaha amni iyo siyaasadeed ee dalka ka jira, loona qaban lahaa doorasho xilligeeda ku dhacda, waxay isla qaateen qodobada soo socda;

1. In Dowladda Federaalka ay magacawdo Guddi Doorasho oo heer Federaal ah kaas oo kaashanaya Guddi Doorasho oo heer Dowlad Goboleed ah.
2. In deegaan doorashooyinka Dowladaha Xubnaha ka ah Dowladda Federaalka laga asteeyo labo magaalo oo ah caasimadaha Gobollada oo ku dhisan yahay Dowlad Goboleed kasta.
3. In tirada ergada Xiidhibaan walba u codeynaysa ay noqato 101 ergo oo mataleysa beesha wadaagta kursigaas.
4. in xulista ergada ay iska kaashanayaan odayaasha dhaqanka, bulshada rayidka ah iyo Dowlad Goboleedka.
5. In qoondada haweenka ee 30% ah la ilaaliyo.

6. In Baarlamaanka heer Dowlad Goboleed ay soo doortaan Xildhibaannada Aqalka Sare.
7. In Xildhibaannada Aqalka Sare ee Soomaaliland ay soo doorataan ergo matasha oo wada jir ah.
8. In doorashada Xildhibaannada labada Aqal ee Soomaaliland ay ka dhacdo magaalada Muqdisho.
9. Qorshaha doorashooyinka dalka waxa uu bilaabanayaa 1-da Nofeembar 2020.
10. In sugidda amniga doorashooyinka ay ka wada shaqeeyaan hay'daha amniga ee Dowladda Federaalka Soomaaliya iyo Dowladaha Xubnaha ka ah.
11. Heshiiskan siyaasadeed waxaa loo gudbinayaa Baarlamaanka Federaalka si ay u meel mariyaan.
12. Madaxdu waxa ay adkaynayaan in xorriyadda hadalku ay tahay lama taabtaan sida ku cad Dastuurka KMG ah iyo Xeerka Saxaafadda ee dalka, sidaa darteed, waa in warbaahinta fursad loo siyaa in ay Si xor ah u tabiso goobaha ay codbixintu ka dhacayso, lagana fogaado wax walba oo ka hor.
13. Shirku waxa uu uga mahadcelinayaa Madaxda iyo bulshada Dowladda Galmudug sida ay u martigeliyeen shirarkii taariikhiga ahaa ee Samareeb 1-3. Sidoo kale, waxaa ammaan mudan shacabka iyo Maamuika Gobolka Banaadir sidii diirranayd ee ay usoo dhaweeyeen Madaxda Dowlad Goboleedyada iyo wufuuddii la socotay.

14. Waxaan bogaadinaynaa Madaxweynaha JFS Mudane Maxamed Cabdullaahi Farmaajo hoggaaminta kudhisan isku haynta dalka muujiyay muddadii ay wadhadalladu socdeen, isaga oo xoogga saarayo wadajir iyo wada-ogol lagu dhammeeyo arrimaha doorashooyinka.
15. Ugu dambeyntii, Shirku waxa uu ku bogaadinaayaa Beesha Caalamka kaalinta muuqata ee ay ka geysaneyso dibu dhiska iyo horumarinta dowladnimada Soomaaliya.